

BÜNDNER
KUNSTMUSEUM
CHUR

MUSEUM D'ART
DAL GRISCHUN
CUIRA

MUSEO D'ARTE
DEI GRIGIONI
COIRA



Amt für Kultur
Uffizi da cultura
Ufficio della cultura

Communicaziun a las medias
Cuira, ils 7 d'avust 2024

Lise Gujer. Ina nova moda e maniera da malegiar 24-08 – 17-11-2024


La maistra da l'art textil en il dialog cun Ernst Ludwig Kirchner
En ina preschentaziun da Kueng Caputo

«Taisser è viver» vegn Lise Gujer (1893–1967) citada durant sia vita. Il Museum d'art dal Grischun deditgescha a l'artista da textilies ina gronda exposiziun che raquinta l'istorgia da sia vita e da sia ovra. Fin ussa èn las tapissarias en color da Lise Gujer per il solit vegnidas preschentadas sco ovras dad Ernst Ludwig Kirchner u almain vegniva il num da Kirchner numnà avant quel da Lise Gujer. Questa exposiziun ha ussa la finamira da metter il focus sin la lavur da l'artista da textilies extraordinaria e d'undrar sia contribuziun independenta vi da las tapissarias enconuschentas.

L'onn 1922 chatta Lisa Gujer (1893–1967) in vegl taler en ina chasa ch'ella ha prendì en locaziun. Uschia cumenza ella a rimnar experientschas da taisser e fa cuvertas da maisa. Il medem onn emprenda ella ad enconuscher Ernst Ludwig Kirchner en il ravugl d'amis da Tavau ch'èn interessads culturalmain. Ella fa sias emprimas emprovas da producir tapissarias tenor ils dissegns da Kirchner. I sa sviluppa uschia ina stretga collavuraziun tranter els dus. Cun paucas interrupziuns dura questa collavuraziun fin il suicidi da Kirchner l'onn 1938. En la collavuraziun directa cun Kirchner sa mussa Lise Gujer sco partenaria da discussiun ideala. Cun mobiglias ed ovras da l'artist endrizza ella suenter la mort da Kirchner «in lieu commemorativ per Ernst Ludwig Kirchner» en ina chasa ch'ella aveva cumprà en la Val Sertig.

Il cumenzament dals onns 1950 renascha l'interess per la vasta collecziun d'ovras da Lise Gujer tenor ils dissegns da Kirchner, e Lise Gujer cumenza danovamain a producir tapissarias tenor ils models originals che l'èn restads. I cumenza in'activitad che dura passa 10 onns, ch'è curunada da success e d'ina dumonda pli e pli gronda per sias ovras.

L'exposiziun en il Museum d'art dal Grischun che vegn sviluppada en stretga collavuraziun cun il Museum Brücke a Berlin, raquinta l'istorgia da la vita e da la lavur da Lise Gujer ord la perspectiva da l'artista da textilies, che percepescha congenialmain las ideas dad Ernst Ludwig Kirchner e che cuntinuescha cun quellas en moda independenta suenter la mort da l'artist.



BÜNDNER
KUNSTMUSEUM
CHUR

MUSEUM D'ART
DAL GRISCHUN
CUIRA

MUSEO D'ARTE
DEI GRIGIONI
COIRA



Amt für Kultur
Uffizi da cultura
Ufficio della cultura

Ultra da las differentas versiuns da las singulas ovras mussa l'exposiziun las lavurs preparatoricas singularas che permettian in sguard differenzià sin la collavuraziun da Gujer e Kirchner. Numerus documents e maletgs dilucideschan plinavant il spiert artistic che ha dà la tempra a questa lavur. Per la preschentaziun avain nus obtegnì las concepidras Kueng Caputo che mussan las ovras en ina inscenaziun dal tuttatafg particulara. Suenten la preschentaziun a Cuir vegn l'exposiziun mussada en il Brückemuseum a Berlin.

Orientaziun a las medias

Gievgia, ils 22 d'avust 2024, a las 10.00

Museum d'art dal Grischun, Cuir

(Annunzia: kathrin.gartmann@bkm.gr.ch, tel. 081 257 28 65)

Vernissascha

Venderdi, ils 23 d'avust 2024, a las 18.00

Exposiziun

24-08 – 17-11-2024

Mardi fin dumengia, 10.00 – 17.00

Gievgia, 10.00 – 20.00

Occurrenz

Infurmaziuns davart las occurrenz actualas chattais Vus sin la pagina d'internet dal Museum d'art dal Grischun, www.buendner-kunstmuseum.ch.

Contact per las medias

Museum d'art dal Grischun, Cuir

Stephan Kunz

Directur artistic

T +41 81 257 28 61

stephan.kunz@bkm.gr.ch